



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Adversvs Omnia Catabaptistarvm Prava Dogmata
Heinrychi Bullingeri lib. IIII**

Bullinger, Heinrich

Tigvri, 1535

VD16 B 9759

Contra insolentiam & tyrannidem dominorum

urn:nbn:de:hbz:466:1-35433

nascitur inuidia, contentio, maledicentia, suspiciones male, superuacaneæ conflictationes hominum mente corruptorum, et quibus adempta est ueritas, qui existimant quæstum esse pietatem. Seiungere ab his qui tales sunt. Si ergo catabaptistæ his tam apertis testimonijs conuicti, non cedunt, uitabimus eos tanquam hereticos, 1. Timoth. 5. & Tit. 1. Insuper exempla ex scripturis proferemus, Christianum hominem seruos habere, et habendo Christianum manere posse. Interrogamus ergo catabaptistas Abraham ne fuerit Christianus? Si Christianus non fuit Abraham, quorsum ergo spectat quod Christus Ioan. 8. de eo loquitur? aut cur nobis in nouo testamento exemplar fidei proponitur? aut quomodo omnes Christiani filij Abrahæ dicuntur? Si Christianus fuit (ut certè fuit) consequitur Christianum seruos habere posse. Magnum enim numerum seruorum habuit Abraham, Gen. 14. & 24.

Onesimus Philemonis seruus fuit. Philemon autem non Christianus modo erat, sed et uerbi minister, et Pauli συνεργός. Ex his ergo patet Christianum hominem posse habere et propria et seruos.

CONTRA INSOLENTIAM
et tyrannidem dominorum.

A 4

TRACTATVS

Obtestamur in domino nos patronos haudquaquam esse tyrannorum, qui dominatione sua et imperio contra fas et ius, adeoq; contra deum abutuntur, et misellam plebem iumentis similem ducunt. Quomodo enim huiusmodi Christianos nominarem, qui hominis uocabulo sunt indigni quin omnem humanitatem et benignitatem exuerunt, ob quam causam tam crudeliter et inhumaniter cum his agunt qui suae curae sunt commissi. Nec tamen ob id seruo et subdito licet, ut iugum domini sui abiiciat. Quod ex Petri doctrina satis est testatum, qui etiam prauis et morosis dominis parere iubet: et in 3. cap. latius de ea re disputans, pressos ad longanimitatem et tolerantiam adhortatur, ut ex mansuetudine et obedientia seruorum, domini ad mitiorem mentem redeant. Nihil enim asperitate et ferocitate efficitur, quibus heri magis magisq; exasperantur.

Meminerint interim heri atq; id certò sciane, deum pauperum suorum et oppressorum non obliuisci, quos et hic legibus quibusdam defensos à tyrannis uoluit. Deut. 15. Quum tibi uenditus fuerit frater tuus, sex annis seruiet tibi, in septimo anno dimittes eum liberum. Et quem libertate donaueris, nequaquam uacuum abire patieris, sed dabis uiaticum de grege, et de area, et de torculari tuo, quibus dominus deus benedixit tibi. Memento quod et tu ipse seruieris inter

ra Aes

ra Aegypti, & liberauerit te dominus deus tuus, &
idcirco ego tibi hoc nunc præcipio. Leuit. 25. post mul-
ta uerba quæ de hac re loquitur, dicit: Si compulsus
paupertate frater tuus &c. non adfliges eum per po-
tentiam, sed metuito deum tuum.

Si obijcis, Quid ad me lex Iudaica? An ergo non pu-
det te Christianum hominem inhumanius & crudeli-
us tractare seruos quam Iudæus faciat? Sed audite uos
ò heri, quid Paulus uobis dicat Ephe. 6. Col. 4. Vos do-
mini æquitatem, & æquabilitatem seruis exhibete,
remitentes minas, scientes, quod & uester ipsorum
dominus est in cœlis, nec respectum personæ apud il-
lum esse. Ex uerbis ergo Pauli audimus, etiamsi ad an-
norum numerum non sumus alligati, ad regulam ta-
men charitatis alligatos sic esse, ut si illam fuerimus
transgressi, metuendum sit iudicium dei, cui serui non
minus curæ sunt quam heri. Mites ergo & benignos
in eos esse conuenit, qui eundem nobiscum habent pa-
trem in cœlis, eodemq; sanguine redempti sunt quo-
nos. Audit enim deus adfictorum & oppressorum
uota & lachrymas, ut non impune ferant quicunque
uim inferunt suis. Hoc in Pharaone est uidere, & in
nobilitate illa quæ olim in Heluetia sic insolescet et
ferociebat, ut lesa patientia ac uicta, tandem in furo-
rem uerteretur, & opprimentes opprimetur.

Probauiimus iam ex uerbis sacræ scripturae illum

A S

TRACTATVS

posse Christianum esse, qui seruos habet. Nec interim negamus multo perfectiorem futurum, si seruos suos propter deum manumittat. Quod si non fecerit, cogi nec debet nec potest, modo talis sit qui uim non inferrat, et nihil praeter aequum et iustum cum illis agat.

Porro quum reditus de rebus suis accipere sine do lo et fraude (ut superiora colligamus) minus et leuius sit, quam seruos habere, et seruis imperare neminem a deo separat: consequitur hoc quod leuius est neminem Christiano nomine depellere. Hæc ergo prædicatio quam in uulgo spargitis (Christianū non posse reditus recipere) falsa est, peruersa, et erronea, quam eneruatum et subuersam ex prædictis quibuslibet pijs satis adparet.

Restat iam ut affirmatiuā nostrā, quod Christiani reditus soluant, etiam probemus.

QVOD VERI CHRISTIANI reditus soluant, et quod sit officium magistratus in rebus temporarijs.

Non est priuati hominis cuiuscunq; tandem, ut in rebus istis temporarijs, uenditionibus scilicet, emptionibus, negotiationibus, mercibus, solutionibus, debitibus, foederibus, pactionibus aut contractibus, sua sponte aut utilitate, uel publice uel priuata